



Inatsisartut Kultureqarnermut, Ilinniartitaanermut,  
Ilisimatusarnermut Ilageeqarnermullu Ataatsimiititaliaat

## UKA 2006/42 UKA 2006/42

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq 25. oktober 2006 allakkatigut Ilisimatusarfik pillugu Inatsisartut inatsisaata allannguutissaatut siunnersuut, UKA 2006, imm. 42, pillugu apeqquteqaqqippoq.

Siullermik Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaa qujaffigerusuppara, allannguutissatut siunnersuut matumani pineqartoq tamakkiisumik peqqissaartumillu suliarimmagu.

### Nalinginnaasumik

Siullermik eqikkaassutaasumik erseqqissarneqassaaq, allannguutissatut siunnersuut manna annertusisamik ilinniartitaanerit imarisaannut aqqissugaanerannullu tunngasuummat. Kisiannili Ilisimatusarfiup aqunneqarneranut suliffeqarfiullu sannaanut tunngasut Ilisimatusarfik pillugu inatsisissap suliarinerani saqqummiunneqarumaarlutik.

### Annertusisamik ilinniartitaanermi ilisimatusarneq sunniuteqaqatigiinnerlu.

Naalakkersuisut siusinnerusukkat saqqummiunnikuuaat – sulilumi taama isumaqarlutik – suliamut sammisumik bachelorinngorniernerit Nunatta karsianut aningaasartuutaanerunngitsumik ilisimatusarnermik tunngaveqalersinneqarsinnaasut, aamma 2007-ip kingornatigut, tamannalu ima itisilerneqarsinnaavoq:

Ilinniartitaanerit ilisimatusarnermik tunngaveqalersinnerat imaanngilaq, ilinniartitisut amerlanersaat ilisimatusarnissamik pisussaaffiligaallutik atorfinitsitaassasut. Tassunga atatillugu KIIP-ip Danmarkimi annertusisamik ilinniakkani pissutsit misissorsimavai. Danmarkimi annertusisamik ilinniarfinni pissutsit ilaatigut nassuarneqarput Danmarkimi ilisimatusarnermik misissueqqissaartarfimmit Dansk Center for Forskningsanalyse-mit <sup>1</sup> :

---

<sup>1</sup> ) Assersuutigalugu takuuk: Forskning 2004,  
<http://www.forskningsanalyse.dk/OF2004/OF2004.htm>

31. oktober 2006  
J.nr. 02.23-00023  
Dok.nr.207384  
Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiiip-mail@gh.gl  
[www.nanoq.gl/kiiip](http://www.nanoq.gl/kiiip)

Danmarkimi annertusisamik ilinniarfinni ilinniartitsisut ilarpassui ilisimatusartussaa-titaanatik atorfeqarput.

Immikkut siunnersorti Camilla Schreiner Andersen, Copenhagen Business School (CBS), KIIP-imut paasissutissiivoq, 2005-imi inuit ataasiakkaat 1245-t ukiumi ataatsimi suliaasa nalingi CVS-imi suliaasut, taakkunanngalu inuit 200-t ukiumi ataatsimi suliaasa nalingi ilisimatusarnermut atorneqarlutik<sup>2</sup> assigalugit suliat tamarmik 16%-ingajaat. Teknikkimut allaffissornermullu tunngasunik suliaqartut suliaat ilannganneqarpata piffissallu ilaa ilisimatusarnermik suliaqartut suliaat ilanngunneqarpata, ilisimatusarneq ukiup ataatsip ingerlanerani suliat atuartitsiner-mut ilisimatusarnermullu atorneqartut pingajorarterutaasa missigissavaat. CBS-ip suliaasa pingaarnersaraat ilinniagartuunik (kandidatinik) - cand. merc.-inik imalt. cand.ling.merc.-inik – ilinniartitsineq<sup>3</sup>, taakkualu bacheloriniit qaffasinnerusunik ilinniagaqartuummata, CBS-imi ilisimatusarnermik ingerlatsinerup annertussusaa Kalaallit Nunaanni ilisimatusarnermik ingerlatsinerup angussaguniuk qaffasinner-paaffissaatut isigisariaqarpoq.

Siusinnerusukkut saqqummiunneqareersutut Naalakkersuisut naatsorsuutigaat sunniuteqaqatigiiffiusussat arlaqartut, ilinniartitaanerit ilisimatusarfiup ataanut katersornerisa nassatarisassaat. Ilisimatusarfik Kalaallit Nunaanni ilinniarfiit aningaasaliissutinik atuiffiulluernerpaat ilagaat. Ilisimatusarfiup aningaasaliissutaasartut affangajaat ilisimatusarnermut atortarpai, takukkit aningaasanut inatsimmi konto 40.12.33 pillugu oqaaseqaatit, AI 07, q. 422, qeqqani.

Ataani tabel 1-imi takutinneqarput konto 40.12.33-mi 2005-imi ingerlassaasimasut piviusunngortut kisitsisinngorneri. Naalakkersuisut isumaqarput:

- Holdit ataasiakkaat inuttaasa agguaqatigiissillugit amerlassusaa amerli-neqarsinnaasut
- Ilinniartitsisut tiimi agguaqatigiissitsinikkut atuartitsiner-mut atorneqartartut qaffanneqarsinnaasut (procentimit ilinniartitsiner-mut atorneqartumiit 100%-ip tungaanut piffissaq atorneqartoq tassaannngilaq piffissaq piareersarner-mut atorneqartoq, tassaallunili piffissaq allaffissorner-mut atorneqartoq (sulianut siumoortumik isumaqatigiissutaareersunut atorneqartoq)
- Ilinniartumut ataatsimut tiimit amerlassusaa ilinniartitaanerit ilaanni appar-neqarsinnaasut

---

<sup>2</sup> tassunga sanilliunneqarsinnaavoq nalunaarusiami qulaani pineqartumi CBS-imi 2004-mi ilisimatusarnermut atorneqartut inuit ataasiakkaat 221-t ukiumi ataatsimi suliaattut nalunaarutiginneqarmata

<sup>3</sup> itisileriniaruut CBS-ip nalunaarusiaa kisitsisaalu pingaarnerit uani takusinnaavati: [www.cbs.dk/om\\_cbs](http://www.cbs.dk/om_cbs)

- Annertusisamik ilinniartitaanerni piffissaq ilinniartitsinerunngitsumut ator-neqartoq – 2004-mi aningaasartuutit tamarmik 50%-erisaat – apparneqar-sinnaasoq (ilinniagaqalernissamut piareersarluni ilinniarnertit ilaatinne-qanngillat)<sup>4</sup>.

**Tabel 1. 2005-imi ingerlassat piviusunngortitat, AI-mi konto 40.12.33 Ilinniarfissuarmut, Ilisimatusarfimmut, Isumaginninnermik Siunnersortinngorniat Ilinniarfiannut Tusagassiornermillu Ilinniarfimmu tunngasut.**

	2005-imi atuineq kr. 1.000	Ukioq naallugu ilinniartut amerlassu- saat	Ilinniartitsisut tiimii ilinniartitsiner- mut atorneqartut ilinniartitsisut tiimiinit tamanit procentinngorlugit	Agguaqatigiis- sitsinikkut holdip ataatsip inuttussusia	Ukioq naallugu ilinniartumut ataatsimut lektionit	Ukioq naallugu ilinniartumut ataasimut aningaasartuu- tit
Ilinniarfissuaq	26.842	122,0	56,1	12,7	1232	220.016
Ilisimatusarfik	13.847	93,5	62,7	8,2	235	148.096
ISI	4.057	26,8	36,3	11,3	818	151.219
TI	2.729	7,5	94,3	5,0	1353	363.867
Katill./agguaqatigiis.	47.475	249,8	57,6	10,6	818	190.034

Ilinniarfitsinni mikinerusuni arlaqartuni aningaasartuutit annertussusaat qaffasip-poq, ilaatigut klassini ataasiakkaani ilinniartut ikittuusarnerat pissutigalugu – ataa-siakkaatigullu ilinniartitsisut suliaasaaleqitinneqarnerat pissutigalugu, soorlu Isumaginninnermi Siunnersortinngorniat Ilinniarfianni, tassanmi ilinniartitsisunik atui-nerup pingajorarterutaannaa ilinniartitsinermut atorneqarsimavoq, takukkit AI07-imi kisitsisit sammisanut tunngasut, konto 40.12.33.

Ilisimatusarnermut aningaasartuutit ilannganneqarpata Ilisimatusarfimmi ilinniartumut ataatsimut aningaasartuutit 82.000 kr-iupput – imaluunniit Tusagassiornermik Ilinniarfimmi, Isumaginninnermi Siunnersortinngorniat Ilinniarfianni Ilinniarfissuarmilu ilinniartumut ataatsimut aningaasartuutinut naleqqiullugit affarinngisaat, tak. tabel 1 qulaaniittoq.

Naalackersuisut mianersortumik naatsorsuutigaat Ilisimatusarfiup ilinniartumut ataatsimut aningaasartuutigisartagai ilinniartitaanernut Ilisimatusarfiup ataanut inissinneqartunut aammattaaq atutilissasut. Taamaalilluni Ilinniarfissuaq, Isumaginninnermi Siunnersortinngorniat Ilinniarfiat Tusagassiornermillu Ilinniarfik kisiisaluunniit eqqarsaatigalugit kontomi pingaarnermi 40.12.33-mi nukissanik atuilluarnerunikkut ileqqaagassat annertussaqaat.

<sup>4</sup>) 2004-mi Kalaallit Nunaanni inuusuttunik ilinniartitsinerit annertusisamillu ilinniartitaanerit. Ingerlassat aningaasartuutillu ilusaat. KIIP. November 2005. Nalunaarussiaq tamanut saqqummiussaannigilaq.

Naalakkersuisut mianersortumik naatsorsuutiginninnerannut pissutaavortaaq, Naalakkersuisut aammattaaq Ilisimatusarfimmi sunniuteqaqatigiinnerit ilimagimmatigit, taamaalillunilu ukioq naallugu ilinniartumut ataatsimut aningaasartuutit 82.000 kr-inik – qulaani eqqaaneqartunik - appasinnerussammata.

AI07-mi Peqqissaanermik Ilinniarsiup konto 32.10.06-imut tunngatillugu eqqaavaa, peqqissaasutut ilinniartumut ataatsimut aningaasartuutit 2005-imi 140.000 kr-ingajaasut. Tamatumani<sup>5</sup> nukissanik atuiluarnerunikkut ileqqaagaqarnissaq ilimagisaavoq - peqqissaasunnorgorniarneq Ilisimatusarfiup ataaniilersinneqarpat.

Aammattaaq Naalakkersuisut isumaqarput Inerisaavimmi – 2007-imi 50 mio. kr-ingajannik aningaasaliiffiqineqartussami – sammisanut ataasiakkaanut aningaasartuutit appariartinneqassasut Ilinniaatsinut Institutip pilersinneqarneratigit. Taamaattoq sammisaasartut ilusaat pissutigalugu Inerisaavimmi nukissanik atuiluarnerunikkut ileqqaagassat maannakkorpiaq naatsorsoruminaapput.

Kisianni qulaani ersersinneqartutut ilisimatusarneq aningaasalersorneqassaaq ingerlatsinerup sinnerata pitsanngorsarneratigit, taamaammatt Naalakkersuisut ilimagisarivaat ilinniarsiit ilisimatusarnermut aningaasaliiniarnermi peqataalluarmaartut.

Naalakkersuisut erseqqissaqqissavaat allannguutissatut siunnersuutip kinguartinerata nassatarissammagu Ilimmarfiup ataani annertusisamik ilinniartitaanerni ataqatigiissaarinerup ataatsimoortumillu ingerlatsiniarnerup kinguarsarneqarnera, diplomitaarniarluni masteritullu ilinniartitaanerit aallartinnissaat kinguarsarneqassamat 2007-imilu ilinniartut amerlanerusut aallartinnissaat periarfissaarutissamat. Aammattaaq ilinniartitaanikkut immikkut ittumik suliniutit maanna aallartereersut piumasaqaatitarivaat, annertusisamik ilinniarfitsinni ilinniartitsisut piukkunnarsarneqarlutillu ilinniartitaanissaat, ilinniartitaanikkut suliniutit – tigussaasutigit atugarsornikkullu – pitsaanerpaamik malitseqartinneqarnissaat qularnaarumallugu.

Inussiarnersumik inuulluaqqusillunga

Doris Jakobsen  
Naalakkersuisunut ilaasortaq

Ilanngussaq: Ilisimatusarfimmi rektorip Ole Marquardtip allagaa

---

<sup>5</sup> Peqqissaanermik Ilinniarsiup ukiumi ataatsimi ilinniartumut ataatsimut aningaasartuutit naatsorsueriaasiat KIIIP-ip naatsorsueriaasianit allaaneruvoq, taamaammatt naliliinerit taakua nalorninarloqalaarsinnaapput.